


# ACAA NYAKO MA LADINGO



Ikare mo onongo tye nyako mo maleng ma nyinge Acaa. En obedo nyako ma oding, ma pe winyo lunyodone.



I nino mo acel, lunyodo pa Acca guwace ni "Acaa wacito ka tic i potu." Acaa ogamo ni "Wek-yela!" Man oweko Lunyodo ne gudoko ger ikome. Pi meno oweko Acaa opor woko bet Laco.



Laco meno  
obedo oken,  
tice ma en  
timo matek aye  
dwar. Ma omiyo  
tukeno pa Acaa  
opong ki ringo  
ma otwo keken.

Acaa onongo  
tye ki lareme

ma nyinge Lawino.

Nino mo acel Lawino owace ni, "Cwari to, neko



dano ka yango kelo gang me acama"

Acaa ogamo ni, "Pe aye lok atata ni ma itye kawaca ni"

Lawino owaci, "Ka pe iye,ci nino mo, ibineno"

Acaa ogamo ni, "Pe iyel-la mera wiya!"


Nino mo acel ma cwar Acca oceto ka dwar, omako dano, oneko ento pe oyango pien cawa onongo dong odiye woko ci otingo okelo gang, obolo idoggola ne.

"Acaa yaba dogola" Cware olwongo Acaa.

Acaa ogamo ni,  
"Abiyabo dogola do cwara."

Cwar Acaa dok onwoyo, "yaba dogola oyot oyot, aol matek!"





Ento ma Acaa oneno cware ki i wang ot matye ki dano ma oto kangete, ci otugi kato ki ngwec ma kicelo. Cware ocako ngwec i kore kun wero ni

**Tigi-ri-ri yee Acaa**

**Acaa cung apenyi**

**Tigi-ri-ri yee Acaa**

**Acaa cung apenyi**

**Mega lakolo mega bolo ringo dano ki koma**

**Mega lakolo mega bolo ringo dano ki koma**

Acaa oringo oo i dog nam madit ci olego nam me yabe ire. Nam oyabe ci Acaa okato loka nam pien pe oneko dano.







Ento cware ma neko dano ni oo inam, nam omwonye woko.


Acaa oringo ci oo gang maber. Lunyodo pa Acaa  
gu jolo en igang gi ki yomcwiny.





Acaa okwayo kica ki bot lunyodone pi dingo.

Pwony:  
Ododo man pwonyo wa ni, bed laworo.  
Winyo lok ber.



# ACAA NYAKO MA LADINGO



Produced by  
Literacy & Adult Basic Education  
With Financial Support from DFID and Oxfam Novib

**READERS' BOOK**

Written by

Odong Jimmy - Paicho Primary School Gulu district

Egong Santus - Patek Bar Primary School Gulu district

Okwera Andrew - Kulu Otit Primary School Gulu district

Aculu Alice - Pagak primary School Amuru district

**Literacy and Adult Basic Education (LABE)**

Plot 18 Tagore Crescent, Kamwokya,

P.O. Box 16176, Kampala, Uganda.

Tel:+256-41-532116, Fax:+256-41-534864,

Email: [labe@africaonline.co.ug](mailto:labe@africaonline.co.ug)